



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

Երևան-0015, Մ. Խորենացու 3, 7

10.05.2023թ

ՈՐՈՇՈՒՄ ԹԻՎ 91-2023/07-Կ

**ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ ՎԱՐՉԱԿԱՆ ԻՐԱՎԱԽԱՄԱԽՏՄԱՆ
ԳՈՐԾԸ ԿԱՐՃԵԼՈՒ ՎԵՐԱԲԵՐՅԱԼ**

ՀՀ պետական եկամուտների կոմիտեի նախագահի տեղակալ Արթուր Մանուկյանս՝ քննելով 07.03.2023 թվականին կազմված «Հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու վերաբերյալ» արձանագրության հիման վրա 10.03.2023թ-ին հարուցված վարչական վարույթը, ուսումնասիրելով 05.05.2023 թվականի թիվ 91-2023/07-Ա վարչական իրավախախտման գործի վերաբերյալ արձանագրությունը և վարույթի նյութերը՝

Պարզեցի

«Հարկ վճարողի գույքի վրա արգելանք դնելու մասին» ՀՀ պետական եկամուտների կոմիտեի նախագահի 23.01.2023թ-ի թիվ ԱՀ 101739 հանձնարարագրի հիման վրա 23.01.2023թ-ի թիվ 101739 որոշմամբ արգելանք է կիրառվել «ՌԵՅՆԲՈՈՒ» ՍՊԸ-ի /ՀՎՀՀ՝ 00054442/ բանկային հաշիվներում առկա դրամական միջոցների վրա 5.172.612 դրամ գումարի չափով: Բանկային հաշիվներում առկա դրամական միջոցների բացակայության հիմքով 09.02.2023թ-ի թիվ 101739/1 որոշմամբ արգելանք է կիրառվել դրամարկղում առկա կանխիկ դրամական միջոցների վրա՝ 5.204.155 դրամ գումարի չափով, իսկ 06.03.2023թ-ի թիվ 101739/2 որոշմամբ կիրառվել է արգելանք ընկերությանը պատկանող այլ գույքի վրա՝ 5.250.540 ՀՀ դրամ գումարի չափով:

Հարկ վճարողի գույքի վրա արգելանք դնող պաշտոնատար անձի կողմից 10.02.2023 թվականին փոստային ծառայության միջոցով /LO108036855AM/ ուղարկված գրությամբ հարկ վճարողից պահանջվել է գրությունը ստանալուց հետո եռօրյա ժամկետում ներկայացնել հարկ վճարողի դրամարկղում առկա կանխիկ դրամական միջոցների և այլ գույքի գույքագրման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով տեղեկություններ, այդ թվում՝ նաև դրամարկղային գիրքը:

«ՌԵՅՆԲՈՈՒ» ՍՊԸ-ի /ՀՎՀՀ՝ 00054442/ տնօրեն Կարեն Բեյբությանին փոստային ծառայության միջոցով կազմակերպության իրավաբանական /Արագածոտն, Աշտարակ, Երևանյան փ., 1/1 շենք/ հասցեով 10.02.2023թ-ին ուղարկված գրությունը /LO108036855AM/ վերջինիս կողմից ստացվել է 13.02.2023թ-ին, սակայն Կարեն Բեյբությանը չի ներկայացել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն:



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am

Վերը նշվածի հիման վրա հարկ վճարողի գույքի վրա արգելանք դնող պաշտոնատար անձի կողմից 07.03.2023 թվականին կազմվել է արձանագրություն՝ իր իրավասությունների սահմաններում գործողությունների կատարմանը խոչընդոտելու վերաբերյալ:

«ՌԵՅՆԲՈՈՒ» ՍՊԸ-ի /ՀՎՀՀ՝ 00054442, պետ. գրանցման համար՝ 264.110.04338, հասցե՝ Արագածոտն, Աշտարակ, Երևանյան փ., 1/1 շենք, էլ. հասցե՝ izabel6793@gmail.com/ տնօրեն Կարեն Բեյբությանի /ՀԾՀ՝ 3210660182, անձն.՝ AN0726666, տրված՝ 04.12.2013թ., 004-ի կողմից, հասցե՝ ք. Երևան, Արաբկիր, Սունդուկյան փ., 90 շենք, 41 բն./ կողմից վերը նկարագրված արարքների համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 182.6 հոդվածով:

Փաստի կապակցությամբ 10.03.2023 թվականին հարուցվել է վարչական վարույթ և Կարեն Բեյբությանին ծանուցվել է այդ մասին:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 21.03.2023թ. ժամը 11:00-ին և վարչական իրավախախտման գործի քննությանը 30.03.2023թ-ին ժամը 11:00-ին մասնակցելու նպատակով «ՌԵՅՆԲՈՈՒ» ՍՊԸ-ի /ՀՎՀՀ՝ 00054442/ տնօրեն Կարեն Բեյբությանի բնակության /ք. Երևան, Արաբկիր, Սունդուկյան փ., 90 շենք, 41 բն./ հասցով 15.03.2023 թվականին փոստային ծառայության միջոցով /LO108527913AM/ պատշաճ ծանուցում է ուղարկվել, սակայն 21.03.2023թ. դրությամբ ծանուցագիրը ստանալու փաստը բացակայել է, այդուհանդերձ վարչական մարմինը նախքան վարչական ակտ ընդունելը, անհրաժեշտ է համարել նրա ներկայությունը՝ վարույթին առնչվող որոշ կարևոր հանգամանքներ նրանից պարզելու համար, հետևաբար 21.03.2023 թվականի թիվ 91-2023/07-Կ որոշմամբ կասեցվել է վարչական վարույթը, իսկ 15.03.2023 թվականին ուղարկված ծանուցագիրը փոստային ծառայությունից հետ է վերադարձվել 30.03.2023թ-ին «Չի պահանջվել»:

21.03.2023 թվականին կայացված «Վարչական վարույթը կասեցնելու մասին» թիվ 91-2023/07-Կ որոշումը և վարչական իրավախախտման վերաբերյալ արձանագրության կազմմանը և նյութերի նախապատրաստմանը 20.04.2023թ. ժամը 11:00-ին և վարչական իրավախախտման գործի քննությանը 26.04.2023թ-ին ժամը 10:45-ին մասնակցելու նպատակով 05.04.2023թ-ին կազմված ծանուցագիրը «ՌԵՅՆԲՈՈՒ» ՍՊԸ-ի /ՀՎՀՀ՝ 00054442/ տնօրեն Կարեն Բեյբությանին ուղարկվել են փոստային ծառայության միջոցով /LO108887487AM/ 06.04.2023թ-ին կազմակերպության իրավաբանական /Արագածոտն, Աշտարակ, Երևանյան փ., 1/1 շենք/ հասցեով, որոնք փոստային ծառայությունից հետ են վերադարձվել 26.04.2023թ-ին «Չի գործում, փակ է» նշագրմամբ:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 05.05.2023թ-ին ժամը 11:00-ին, ինչպես նաև վարչական իրավախախտման վերաբերյալ գործի քննությանը 10.05.2023թ-ին ժամը 11:00-ին մասնակցելու համար 28.04.2023թ-ին կազմված ծանուցագիրը և 21.03.2023թ-ին կայացված «Վարչական վարույթը կասեցնելու մասին» թիվ 91-2023/07-Կ որոշումը Կարեն Բեյբությանին ուղարկվել են 28.04.2023թ-ին կազմակերպության էլեկտրոնային փոստի «izabel6793@gmail.com» հասցեին, որոնք վերջինիս կողմից ստացվել են 29.04.2023թ-ին:

Արձանագրությունը կազմելու վայրի և ժամանակի մասին պատշաճ ծանուցված լինելով Կարեն Բեյբությանը կամ վերջինիս լիազորված անձը չի ներկայացել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն, ուստի 05.05.2023թ-ին հարկ վճարողի գույքի վրա արգելանք դնող պաշտոնատար անձի՝



իր իրավասությունների սահմաններում գործողությունների կատարմանը խոչընդոտելու վարչական իրավախախտման գործի վերաբերյալ թիվ 91-2023/07-Ա արձանագրությունը կազմվել է Կարեն Բեյբությանի բացակայությամբ, իսկ թիվ 91-2023/07-Ա արձանագրությունը ուղարկվել է կազմակերպության էլեկտրոնային փոստի «lizabeth6793@gmail.com» հասցեին:

Համաձայն «ՌԵՅՆԲՈՒՒ» ՍՊԸ-ի /ՀՎՀՀ՝ 00054442/ տնօրեն Կարեն Բեյբությանի կողմից 14.04.2023թ-ին տրված լիազորագրի՝ Իգաբելա Մկրտչի Խաչատրյանի /անձն.՝ AS0251931, տրված՝ 29.06.2018թ-ին, 029-ի կողմից/ կողմից 21.04.2023թ-ին էլեկտրոնային եղանակով ներկայացված դիմումին կից ներկայացվել է կազմակերպությանը պատկանող հարկային տեսչության կողմից 15.02.2023թ-ին հաստատված թիվ 668/7 դրամարկղային գրքի լուսապատճենները /7 թերթ/, ՀՀ պետական եկամուտների կոմիտեի իրավասու աշխատակցի կողմից կատարվել է 09.02.2023թ-ին կիրառված թիվ 101739/1 արգելանքի շրջանակում ընկերության դրամարկղում առկա կանխիկ դրամական միջոցների, մուտքագրված և ելքագրված դրամական միջոցների շարժի վերաբերյալ համապատասխան ուսումնասիրություն:

Հարկ է նշել նաև, որ 13.02.2023 թվականի (գրությունը փոստային ծառայության միջոցով ստացվելու օրը) դրությամբ ընկերության պարտավորությունները, այդ թվում՝ դրոշմանիշային վճարների, կազմել են 87.923.417 ՀՀ դրամ (որից ապառք՝ 64.093.055 դրամ, տույժ՝ 22.689.245 դրամ, տուգանք՝ 1.054.516 ՀՀ դրամ, դրոշմանիշային վճարի գծով՝ 86.600 դրամ): Ընկերության կողմից 13.02.2023-05.05.2023թթ. (խոչընդոտման արձանագրության կազմման օրը) կատարվել է վճարում ընդհանուր՝ 2.669.279 ՀՀ դրամ գումարի չափով: 05.05.2023թ-ի դրությամբ ընկերության պարտավորությունները կազմել են 99.502.122 ՀՀ դրամ (այդ թվում՝ ապառք՝ 73.390.587 ՀՀ դրամ, տույժ՝ 24.906.418 ՀՀ դրամ, տուգանք՝ 1.054.516 ՀՀ դրամ, դրոշմանիշային վճար՝ 150.600 ՀՀ դրամ):

Պատշաճ ծանուցված լինելով 10.05.2023թ-ին նշանակված վարչական իրավախախտման գործի քննության վայրի և ժամանակի մասին՝ Կարեն Բեյբությանը կամ վերջինիս ներկայացուցիչը չի ներկայացել:

ՀՀ հարկային օրենսգրքի 36-րդ հոդվածի 1-ին մասի 11-րդ կետի համաձայն՝ հարկային մարմինը (հարկային հսկողություն իրականացնող պաշտոնատար անձը) լիազորված է հարկային պարտավորությունների գանձումն ապահովելու նպատակով ՀՀ հարկային օրենսգրքով սահմանված դեպքերում և կարգով արգելանք դնել հարկ վճարողի (հարկային գործակալի) գույքի վրա:

ՀՀ հարկային օրենսգրքի 434-րդ հոդվածի 2-րդ մասի համաձայն՝ հարկ վճարողի դրամարկղում ունեցած կանխիկ դրամական միջոցների վրա արգելանք դնելու մասին որոշումը հարկ վճարողին ներկայացնելու օրը որոշումն ընդունած հարկային մարմնի պաշտոնատար անձը գույքագրում է հարկ վճարողի դրամարկղում առկա կանխիկ դրամական միջոցները և դրանք, ինչպես նաև արգելանքի կիրառման ժամանակահատվածում հարկային պարտավորությունների սահմանում դրամարկղ մուտքագրվող կանխիկ դրամական միջոցներն արձանագրությամբ ի պահ է հանձնում հարկ վճարողին: Հարկ վճարողի դրամարկղում առկա կանխիկ դրամական միջոցների՝ արգելանքի տակ գտնվելու ժամանակահատվածում որոշում կայացրած հարկային մարմնի պաշտոնատար անձն իրավունք ունի ցանկացած ժամանակ գույքագրելու դրամարկղում դրամական միջոցների առկայությունը, ինչպես նաև մուտքագրված և ելքագրված դրամական միջոցների շարժը, որի արդյունքներով կազմվում է արձանագրություն:

Դրամարկդում կանխիկ դրամական միջոցների կամ կանխիկ դրամական միջոցների շարժի գույքագրման արձանագրության ձևը սահմանում է հարկային մարմինը, որում նշվում են գույքագրման ամսաթիվը, ժամանակահատվածը, արգելանքի տակ գտնվող դրամական միջոցների արժույթը, արժեքը, քանակը, մուտքագրված դրամական միջոցների արժեքը և դրանց ստացման աղբյուրը, ելքագրված դրամական միջոցների արժեքը և ծախսման ուղղությունները, ի պահ հանձնվող դրամական միջոցների արժույթը, արժեքը, քանակը, գույքագրման ընթացքում դրամարկդային գործառնությունների կատարման դադարեցման ժամանակահատվածը, նշում՝ արգելանքի կիրառման ժամանակահատվածում հարկային պարտավորությունների սահմանում դրամարկդ մուտքագրվող դրամական միջոցների արգելանքի տակ գտնվելու և ի պահ ընդունելու վերաբերյալ, գույքագրմանը մասնակցող անձանց տվյալներն ու ստորագրությունները: Նշված արձանագրությունները հարկ վճարողի դրամարկդում առկա կանխիկ դրամական միջոցների վրա արգելանք դնելու մասին որոշման անբաժանելի մասն են:

ՀՀ հարկային օրենսգրքի 435-րդ հոդվածի 2-րդ մասի համաձայն՝ արգելանքն իրականացնող պաշտոնատար անձն արգելանքի տակ դրված այլ գույքն ի պահ է հանձնում հարկ վճարողին, իսկ եթե հարկ վճարողը փորձում է արգելանքի տակ դրված գույքը կամ դրա առանձին բաղադրամասերը վատնել, թաքցնել, ապօրինաբար մեկ ուրիշին հանձնել, փչացնել կամ ոչնչացնել, ապա գույքի պահատվությունը հանձնվում է նման գործունեություն իրականացնող մասնագիտացված կազմակերպությանը՝ պահատվության պայմանագրի հիման վրա: Պահատվության հետ կապված ծախսերը կատարում է հարկ վճարողը:

«Հարկային ծառայության մասին» ՀՀ օրենքի 35-րդ հոդվածի 1-ին և 3-րդ մասերի համաձայն՝

1. Հարկային ծառայողի՝ իր իրավասության սահմաններում առաջադրած պահանջները պարտադիր են բոլոր պետական կառավարման և տեղական ինքնակառավարման մարմինների, հիմնարկների, կազմակերպությունների, պաշտոնատար անձանց և քաղաքացիների համար:

...

3. Հարկային ծառայողի պահանջները չկատարելը կամ նրա պարտականությունների կատարմանը խոչընդոտելն առաջացնում է օրենքով սահմանված պատասխանատվություն:

Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված պատասխանատվության միջոցի կիրառումը հնարավոր է հետևյալ գործողություններից որևէ մեկի դեպքում.

1) հարկային հսկողություն իրականացնող պաշտոնատար անձի օրինական պահանջները չկատարելու,

2) տնտեսավարող սուբյեկտի՝ հարկային հսկողություն իրականացվող տարածք նրա մուտք գործելն արգելելու,

3) հարկային հսկողության նպատակներին անմիջականորեն առնչվող փաստաթղթեր, տվյալներ և այլ տեղեկություններ նրան չտրամադրելու,

4) օրենքով սահմանված կարգով իրականացվող հարկային հսկողության ընթացքին այլ կերպ խոչընդոտելու համար:

Պետք է նշել նաև, որ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի կիրառման համար անհրաժեշտ պայման է հանդիսանում



այն, որ վերոհիշյալ արարքներից թեկուզ մեկը կատարվի փաստացի իրականացվող հարկային հսկողության ընթացքում, և խոչընդոտ հանդիսանա նշված հարկային հսկողության հետագա ընթացքն ապահովելու համար:

Տվյալ դեպքում հարկ է նշել, որ Կարեն Բեյբությանը պարտավոր էր ապահովել արգելադրում իրականացնող պաշտոնատար անձանց օրինական պահանջները, մասնավորապես, ներկայացնել պահանջվող փաստաթղթերը՝ դրամարկղային գիրքը և հարկ վճարողի այլ գույքակազմի վերաբերյալ տեղեկություններ:

ՀՀ պետական եկամուտների կոմիտեի նախագահի տեղակալ Ծովինար Սողոմոնյանի 24.06.2022 թվականի թիվ 11-2022/07-Ո որոշմամբ «ՌԵՅՆԲՈՈՒ» ՍՊԸ-ի /ՀՎՀՀ՝ 00054442/ տնօրեն Կարեն Բեյբությանի նկատմամբ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի 1-ին մասով կիրառվել է վարչական տույժ՝ տուգանք 250.000 ՀՀ դրամ գումարի չափով: Նշված որոշումը Կարեն Բեյբությանի կողմից ստացվել է 21.07.2022 թվականին:

ՀՀ պետական եկամուտների կոմիտեի նախագահի տեղակալ Ծովինար Սողոմոնյանի 24.06.2022 թվականի թիվ 12-2022/07-Ո որոշմամբ «ՌԵՅՆԲՈՈՒ» ՍՊԸ-ի /ՀՎՀՀ՝ 00054442/ տնօրեն Կարեն Բեյբությանի նկատմամբ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի 1-ին մասով կիրառվել է վարչական տույժ՝ տուգանք 250.000 ՀՀ դրամ գումարի չափով: Նշված որոշումը Կարեն Բեյբությանի կողմից ստացվել է 21.07.2022 թվականին:

ՀՀ պետական եկամուտների կոմիտեի նախագահի տեղակալ Ծովինար Սողոմոնյանի 01.08.2022 թվականի թիվ 118-2022/07-Ո որոշմամբ «ՌԵՅՆԲՈՈՒ» ՍՊԸ-ի /ՀՎՀՀ՝ 00054442/ տնօրեն Կարեն Բեյբությանի նկատմամբ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի 1-ին մասով կիրառվել է վարչական տույժ՝ տուգանք 250.000 ՀՀ դրամ գումարի չափով: Նշված որոշումը Կարեն Բեյբությանի կողմից ստացվել է 16.09.2022 թվականին:

ՀՀ պետական եկամուտների կոմիտեի նախագահի տեղակալ Ծովինար Սողոմոնյանի 01.08.2022 թվականի թիվ 119-2022/07-Ո որոշմամբ «ՌԵՅՆԲՈՈՒ» ՍՊԸ-ի /ՀՎՀՀ՝ 00054442/ տնօրեն Կարեն Բեյբությանի նկատմամբ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի 1-ին մասով կիրառվել է վարչական տույժ՝ տուգանք 250.000 ՀՀ դրամ գումարի չափով: Նշված որոշումը Կարեն Բեյբությանի կողմից ստացվել է 16.09.2022 թվականին:

ՀՀ պետական եկամուտների կոմիտեի նախագահի տեղակալ Արթուր Մանուկյանի 16.11.2022 թվականի թիվ 196-2022/07-Ո որոշմամբ «ՌԵՅՆԲՈՈՒ» ՍՊԸ-ի /ՀՎՀՀ՝ 00054442/ տնօրեն Կարեն Բեյբությանի նկատմամբ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի 1-ին մասով կիրառվել է վարչական տույժ՝ տուգանք 500.000 ՀՀ դրամ գումարի չափով: Նշված որոշումը Կարեն Բեյբությանի կողմից ստացվել է 06.12.2022 թվականին:

ՀՀ պետական եկամուտների կոմիտեի նախագահի տեղակալ Արթուր Մանուկյանի 16.11.2022 թվականի թիվ 197-2022/07-Ո որոշմամբ «ՌԵՅՆԲՈՈՒ» ՍՊԸ-ի /ՀՎՀՀ՝ 00054442/ տնօրեն Կարեն Բեյբությանի նկատմամբ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի 1-ին մասով կիրառվել է վարչական տույժ՝ տուգանք 500.000 ՀՀ դրամ գումարի չափով: Նշված որոշումը Կարեն Բեյբությանի կողմից ստացվել է 06.12.2022 թվականին:



Հիմք ընդունելով հիշյալ իրավակարգավորումները, համադրելով դրանք գործում առկա փաստական հանգամանքների հետ, պետք է նշել, որ Կարեն Բեյբությանը խոչընդոտել է հարկային հսկողություն իրականացնող պաշտոնատար անձանց ծառայողական պարտականությունների կատարմանը, հետևաբար Կարեն Բեյբությանի արարքում առկա է Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված իրավախախտման դեպքը: Միաժամանակ, հաշվի առնելով, որ Կարեն Բեյբությանի կողմից ներկայացվել է դրամարկղային գիրքը, այսինքն՝ իրավախախտման վնասակար հետևանքները կանխելու և (կամ) վերացնելու ուղղությամբ միջոցներ ձեռնարկված լինելու հանգամանքները, ուստի վարույթն իրականացնողը գտնում է, որ կատարված վարչական իրավախախտումը նվազ նշանակություն ունի և իրավախախտման համար Կարեն Բեյբությանի նկատմամբ բավարար է Վարչական իրավախախտումների վերաբերյալ ՀՀ օրենսգրքի 21-րդ հոդվածով նախատեսված «բանավոր դիտողություն» հայտարարելը: Հետևաբար կատարված իրավախախտման համար Կարեն Բեյբությանի նկատմամբ հարուցված վարչական վարույթը ենթակա է կարճման:

Հիմք ընդունելով ամբողջ վերոգրյալը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի «ա» կետով, Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասով, 244¹⁴, 281-րդ հոդվածներով և 282-րդ հոդվածի 1-ին մասով՝

ՈՐՈՇԵՑԻ

1. Վերսկսել 21.03.2023 թվականի թիվ 91-2023/07-Կ որոշմամբ կասեցված վարչական վարույթը,
2. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի՝ «ՌԵՅՆԲՈՈՒ» ՍՊԸ-ի /ՀՎՀՀ՝ 00054442/ տնօրեն Կարեն Բեյբությանին հայտարարել «բանավոր դիտողություն» և ազատել վարչական պատասխանատվությունից:
2. «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի «ա» կետի և Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին կետի, «ՌԵՅՆԲՈՈՒ» ՍՊԸ-ի /ՀՎՀՀ՝ 00054442/ տնօրեն Կարեն Բեյբությանի նկատմամբ հարուցված վարչական վարույթը կարճել:



Ծանոթություն. Սույն վարչական ակտն ընդունված է համարվում ստորագրվելու օրվանից, ուժի մեջ է մտնում հասցեատիրոջն իրազեկելուն հաջորդող օրվանից և ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am